

14. november. 2018

UKA2018/58

Pisortat ingerlatseqatigiiffiisa allattugaataanik innuttaasut piniarsinnaalersinnissaat anguniarlugu Pisortat ingerlatsinerat pillugu paasitinneqarsinnaatitaanermut inatsisartut inatsisaat allannqortittariaqarnersoq pillugu apeqquteqaat allaavigalugu oqallinnissamik siunnersuut.

(Inatsisartunut ilaasortaq Justus Hansen, Demokraatit)

Pisortat Ingerlatseqatigiiffiisa allattugaataanik innuttaasut piniarsinnaalersinnissaat anguniarlugu, Inatsisartut inatsisaat allannqortittariaqarnersoq apeqquteqaat allaavigalugu Inatsisartunut ilaasortap Justus Hansen-ip Demokraatit-neersup oqallinnissamik siunnersuutaanut Siumumiit qujavugut imatullu oqaaseqarfissavarput.

Naalakkersuisut akissutigisaata ilaani imatut oqatigaat Ingerlatseqatigiiffiit Namminersorlutik Oqartussanit pigineqartut Ingerlatseqatigiiffiillu namminersortut naligiillutik assigiinnillu pisinnaatitaaffeqarlutik unammilleqatigiissinnaanissaat, Naalakkersuisut taamatut oqaaserqarnerat Siumumiit isumaqatigaarput.

Siunnersuuteqartulli ujartugaa allagaatinik takunnissinnaaneq aammalu ammasuunerulersitsinissaq tunngaviatigut paasilluarparput tapersorsorlugulu, taamaatumik Naalakkersuisut kammattorpagut uunga qulequttamut attuumassuteqarsinnaasut Inatsisit, missoqqissaqqullugit ullutsinnut naleqqunnersut naleqqukkunnaarsimanersulluunniit, soorlu makkua: **Pisortat ingerlatsineranni suliaassat suliarineqartarnerat pillugu Inatsisartut inatsisaat nr. 8, 13. Juni 1994-imeersoq, aamma Pisortat ingerlatsinerat pillugu Inatsisartut inatsisaat nr. 9, 13. Juni 1994-imeersoq, aammalu Unammilleqatigiinneq pillugu Inatsisartut inatsisaat nr. 1, 15. Maj 2014-imeersoq Kapitali 6** Tamanut ammatitsineq aamma allagaatinik takunnissinnaaneq.

EU-lu hvidvasklov-ia Danmark-imut atuutsinneqartoq aamma Nunatsinnut naleqqussarlugu atuutsinneqartariaqalerpoq, assersuutigalugu: Nunatsinni Ingerlatseqatigiiffiit angerlarsimaffeqartut kikkunnik pigineqarnersoq qulaajaavigineqarsinnaaneri ammaanneqarsinnaaqqullugit il.il. tassa qulaajaavimmik amigaateqarpugut, soorluttaaq apeqquteqaat allaavigalugu oqallinnissamik siunnersuuteqartup tamanna ujartugaanut assingusoq.

Oqallissaarummut Siumumiit naakkaluamik taamatut oqaaseqarluta, Inatsisartut Naalakkersuisullu oqallilluarnissaannik kissaappagut.

Oqallilluarisilu

Henrik Fleischer, Siumut